

八千两，再要亏本，则弟等此时又将如何措置也。专肃缕复。敬请勋安，诸维爱照，不具。

名正肃。七月初七日。

#### 4 唐廷枢、徐润致盛宣怀函

同治十二年八月十二日(1873.10.3) 上海

杏荪仁兄大人阁下：

八月初九日奉到七月二十七日自都复函，敬悉一切。前日奉爵相檄文，俯准局禀，札委执事会办局务，得符从前原约。以后诸事有所就政，同舟共济，何快如之。

江北河运不能停止，其湖广、江西试运本色，深蒙大力维持。奉部议准，此间已奉行知，并蒙函禀爵相再致信各省，以冀必成，则局务更见生色矣。云甫兄于前月杪到沪，会晤数次，大帐曾经结算。局中又于本月初十日付过银一万两，照弟等算来，实已透付二万五千余两。兹将云甫兄应交及局中应收、应查以及划付、现付各款，另开清单附呈，执事阅后，必能知其底细，并非局中不肯再付，盖局务必须遇事公正，使有股众商无从借口，方得诸事扩充，固非弟等执措也。望于爵相前婉为禀达。

至华洋合置轮船附局经理一事，已奉宪驳。盖弟等本意并非如是，未蒙俯察。因又将本意所在及接办后局中大概情形，禀请陈道宪转禀爵相，如蒙邀准，于局务必有弥益。兹特将禀稿抄呈察阅，望将此层及禀中另叙各情，便中于爵相前曲为转禀是祷。

润猥以轮材，在局襄办各事，已恐力有不及。兹荷爵相批饬赴津谒见，并蒙函嘱。润当于中秋节后二十左右赴津，行旌望缓发几日，以便一同进谒，面商一切。

轮船一节，因在沪之船所看甚多，皆难合用。若将就购成，将来时时修理，受累不浅。所以在外国觅得新造合式之船一号，计银二万四千磅，合价银八万余两，此船冬间可来，明年即可运载新漕；

尚有一号未经酌定。局中大概近情已详叙致陈道宪禀中。此外一切，统俟润到津后面谈种种。先此奉复。敬请勋安。诸维亮警，欲言不尽。

小弟期唐廷枢、徐润同顿首。八月十二日。

外附朱云翁帐单六纸，禀稿一纸。

## 5 [附件] 朱其昂帐单

计开：朱云甫兄来帐

一、收奉发练饷制钱二十万千文。每扯一六零三，合规银十二万四千七百六十六两。

一、收天津股分五百五十股，库平银五万两。一零九六，申规银五万四千八百两。

一、收上海股分规银一千九百两。此项以各股不愿搭入，已经划还。

共收规银十八万一千四百六十六两。

一、付上海置买栈房地基，规银二万三千四百五十两。一、付上海添造栈房码头，规银一万二千七十七两七钱七厘。两共三万五千五百二十七两七钱七厘。应付二万五千两。

一、付买“伊敦”船本，规银五万三百九十七两。应付三万两。

一、付买“永清”船本，规银九万五千七百五十两。应付九万两。

一、付买“福星”船本，规银八万八千九百五十七两七钱。应付八万五千两。

一、付麻袋船本，规银一万七千七百十二两六钱七分四厘，候点见再付。一、付麻袋成本，规银二千一百十四两七钱四分二厘，候点见再付。两共一万九千八百二十七两四钱一分六厘。

一、买叫庄货，规银二千三百九十三两三钱八分八厘，候点见再付。